

JONES, HUGH (1830 - 1911), gweinidog gyda'r Methodistiaid Calфинаidd

Enw: Hugh Jones
Dyddiad geni: 1830
Dyddiad marw: 1911
Rhiant: Hugh Jones
Rhyw: Gwryw
Galwedigaeth: gweinidog gyda'r Methodistiaid Calфинаidd
Maes gweithgaredd: Crefydd
Awdur: Robert Thomas Jenkins

Ganwyd 13 Ionawr 1830, yn fab i'r Parch. Hugh Jones, Llannerch-y-medd. Addysgwyd ef mewn ysgol yn Llannerch-y-medd, a than [William Roberts](#) (1809 - 1887 yng Nghaergybi. Bu'n brentis yn Llanfechell tan John Elias, mab [John Elias](#), ac wedi hynny dechreuodd gadw ysgol yn agos i Fangor. Yna aeth i goleg y Methodistiaid Calфинаidd yn y Bala, lle y cynghorwyd ef i ymbaratoi ar gyfer y weinidogaeth. Bu'n weinidog yng Ngharreg-lefn (1862-4), yn Amlwch (1864-71), ac yn olaf yn Netherfield Road, Lerpwl (1871-1911) (symudwyd y capel yn ddiweddarach i Douglas Road). Bu farw 26 Mai 1911.

Ef oedd llywydd Sasiwn Methodistiaid Calфинаidd gogledd Cymru yn 1877, a llywydd y Gymanfa Gyffredinol yn 1886, er nad oedd ganddo, mewn gwirionedd, fawr o ddiddordeb mewn gweinyddiaeth. Pregethwr, yn anad dim, oedd Hugh Jones, a chyfrifid ef yn gyffredinol yn feistr ar areithyddiaeth y pulpud yn yr hen draddodiad. Honnai [T. C. Williams](#) mai ef oedd y pregethwr olaf yn y traddodiad hwnnw. Y mae ei fywgraffiad da (1869) o [William Roberts](#), Amlwch (1784 - 1864 yn haeddu sylw. Cafodd radd D.D., ' honoris causa ', gan Brifysgol Princeton, New Jersey yn 1890.

Awdur

Yr Athro Emeritus Robert Thomas Jenkins, (1881 - 1969)

Ffynonellau

J. Hughes Morris, *Hanes Methodistiaeth Liverpool* (Lerpwl 1929-1932), i, 379-72

cofnodion am ei farw

Blwyddiadur y Methodistiaid Calфинаidd, 1912

Dolenni Ychwanegol

Wikidata: [Q20821146](#)

Dyddiad cyhoeddi: 1970

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

